

# ادبیات کمونیستی

هفته‌ای سیاسی، علمی و ادبی غزته در

جلد: ۲

سنه: ۲ ۲۲ صفر ۱۳۳۶ جمعه ایرتسی ۸ کانون اول ۱۹۱۷ نومرو ۱۴—۴۵

## اجمال افکار

[بولشویون افندی] و عالم افکار ترتیب سهولاری و طبع یا کاشفکاری —

بایمور، ایتک، ایتک مصدرلری .

روسیه ده عظیم و آلم بر اختلال و انقلاب اولیور . بونی ساده‌جه بر «وقعه سیاسی» عد ایدنلر هر حالده یا کیلیرلر . خایر ! [بولشه‌ویق] لرك خروج و عصیانی منحصرأ بر پولیتیکه جلوه‌سی، برفرقه‌نك دیکرینی بیقیمه‌سی دکلدنر . بونك فکر و نظریه‌یه ده تعلق وار . بو انقلابده ، واقعا ، طوغزیدن طوغری به سائق، حرب و آنك تولید ایتدیکی نوعانوع و کونا کون محرومیتلر، ضرورتلردنر . لکن برده طولایبسیله ، بطی ، حتی تحت‌التراب سائق واردر که اوده ، الحق و لاشك ، روسیه‌ده بر عصردن بری حاصل و حادث اولان ذهنیت - دو قوتور عبدها جو دتک بولدینی کوزل بر کله موجبنجه - «قفا» در .

روسیه استبدادك اوز وطنی ایدی . دولت ، غیر طبیعی ، قرون وسطائی و آسیائی بر شکلده قورولشدی . ماهیتی فتح و استیلادن بشقه بر شی دکلدی . مجهولاتدن اولدینی اوزره بو ماهیتده اولان هیاتك حیاتی آنجق استیلالری ابله دائم و قائمدر . دور استیلا هر نه صورتله اولورسه اولسون - بر کره قاباندقدن صکره هنگام انحطاط یواش یواش ویا عجمالتله باشلایه بیلیر . ایشته ، موسقوف دیارنده درشت ، خشین اداره اصوللری تطبیق ایتک لازم کلیردی که بو قوص قوجه «انپه‌زیتالیزم» یاشایه بیلسون . بناء علیه استبداد و مطلقیت، بیوک برهنر و مهارتله روسیه‌ده تطبیق اولنیوردی . یالکز بو استبداد هر وقت کیفی دکلدی . بعضاده عادل و عاقل شیکنی آلیوردی . ایشته ، بو اداره ، داخلده بر عکس‌العملی موجب اولدی . هر ستمدیده‌نك، هر حراندیشك حسیاتی غلیبانه کلنیوردی . فکرلر افراطه اوغرادی . الک قیزیل سوسیالیستلر، الک آزعین [آنارشویستلر] ،

## یولجی

... سن که ساحلده کزدهن قیزلرک آک صولغونیدسک ،

اخروی بلده که صوگ یولجی دونه رکن بنی آک ! -

کولوبوردک قایلقلردن اینه رکن بکا سن ،

بن که هر کولکه نك عکس ایتدیکی بر غملی صویم .

هر کون آلتنده زهردن آجی روز کارلر آسهن

غربت آقشاملرینک باغری یانیق یولجیسیم ...

برخزان آقشامی قیزلرده اونوتدم نیعی ،

طوگدی قلمده بوتون ماعی بر سیسلی قیشک ،

کیجه یوللرده بر اقدم قیزیلان ده کنکی ،

رهبرم یوق ، بنی دوندورمه یولدن ، صاریشین !

آریه ن روحی یورغون باقیشک دولدورسون ،

قوملر اوستنده کزدهن سوکیلی قیز ، نره ده یوواک ؟

سن که ساحلده کزدهن قیزلرک آک صولغونیدسک ،

اخروی بلده که صوگ یولجی دونه رکن بنی آک ! ...

— مهرداد : مارت ، ۹۱۷ —

فاروی نافر

## وده نیره لوس و حکومتی

[ کچن نسخه دن مابعد ]

بو حرب عالم شمول قوپدینی زمان ، [ وده نیره لوس ] ، رؤیاسنده بیله کوره مدیکی موقیات عظیمه  
مادیه و سیاسییه نك مکافاتنی اوله رق یونانستان حکومتنک باش وکالتی موقعی ، بتون نفوذ و قوتیله اشغال  
ایدیوردی . سببنی بیله میز ، فقط حربک بدایتنده ، اشتراک ایتسی تکلیفی واقع اولدینی ایچون ،  
یونانستان ، [ وده نیره لوس ] ک یکی بر ایجادنی اوله رقی ، ائتلافه قارشو « خیرخواهانه بر بی طرفلق »  
اعلان ایتدی . فرانسه وانکلتره ، حقوق دول لغته یکی داخل اولان بو تعبیر عجیبدن بالاستقاده  
[ بوزجه آطه ] نی ، [ ساقزی ] ی ، [ مدلی ] ، بی اشغال واملارینه بر متکای متین اتخا ایتدیله . انکار  
سیاستنک بر ممثلی مقانده اولان [ وده نیره لوس ] ، ۱۹۱۵ سنه سنده یونانستاننی ، چناق قلغه تعرضه  
سوق ایتکه صوگ درجه چالیشدی ایسه ده قرال [ قوسطنطین ] ک فعلی مخالفتی اوزرینه مقصدینه  
نائل اوله مدی . مجانس مبعوثانک فسخی و [ وده نیره لوس ] ک سقوطی اوزرینه موقع اقتداره کلن